

mani matter: dr noah

satz: am 2023

lang ischs här da het mal ei-nen öp-pis a - fa bou - e

öp-pis win e gros-se chasch-te d'lüt wos sy cho gschou-e

hei ne gfragt: was söll das gäh? es schiff het di - se gseit

a - ber s isch keis meer gsy und kei see dert wyt und breit

und me be - gryft dass d'lüt hei gseit: däm ma däm spinnts

und si hei d'chöpf ersch rächt gschüttlet
 wo das schiff du speter
 het e lengi übercho gha
 vo drühundert meter
 füzig meter breiti dryssig höchi
 und du no
 sytlech i der wand e grossi
 türe dry isch cho

und me begryfft das d'lüt hei gseit: däm ma däm spinnts

und si hei ne gseh i ds schiff näh
 löien und giraffe
 nachtigalle zebra ele-
 fante söi u affe
 schlange chüe rhinozeros
 gazälle dromedar
 känguruh und kolibri
 vo allem geng es paar

und me begryfft das lüt hei gseit: däm ma däm spinnts

und wo d'tier sy drinn gsy isch
 är sälber du mit syne
 sühn und syre frou und syne
 schwigertöchter yne
 d'lüt hei sech versamlet und
 gholeiet ussedra
 won er hinder sich di grossi
 türe zue het ta

und me begryfft das lüt hei gseit: däm ma däm spinnts

aber druf hets afa rägne
 wi no nie uf ärde
 langsam het me d'fluet gseh stygen
 und geng höher wärde
 einisch het der man o ghöre
 brüele: löht üs dry!
 aber gly druf isch zäntume
 totestilli gsy